

# اقتصادیات

نومبر ۱۷

پنجشنبہ

۷ کانون ثانی ۱۳۲۴

کامل پاشانک اڅ زیاده مسائل خارجیه ده لیت ولعل پولتیقه سی تعقیب ایلمسی وقایعنه لر اعضا لر آره سنده وحدت افکار موجود اولیوب بتون مسائلی رأی خودیله اداره ایتمسی کیفیتی هدف اعتراض اولمشدر برلین قونفره سیله صربستان وقره طانک حاکمیت عثمانیه دن قطعاً ایریلهرق کسب استقلال ایلمسیله بوسنه هر سڅک صورت اشغالی اوراده کی رابطه یی صوڅ درجه نظری برحاله کتور- مشیدی بلغارستانک کسب استقلالی اولجه حاضر لائمشیدی وبونلری ابرکیچ امر واقع نظریله طانق ضروری ایدی اڅ مهم جهت تأخیر اتلافک موجب خطر اولوب اولیه جنی مسئله سی ایدی بوجهت اوزمانکی مخبرات واحوال سیاسیه بالا طرف بیلنمدکجه معلوم اولماز بونی آئیده اکلایه جغز فقط مسائل مذکورنه ک بوکونلرده الدینی شکه نظرأ تأخیر وتعویقه متضرر اولدیغیمزی اکلایه بیلورز هر حالده مسائل خارجیه ده اثر مکانت واعتدال کوستریلهرک برچوق تهلیکه لره بر طرف اولدیغنه شمیدین قناعت ایده بیلورز بیاننامه نک مسائل داخلیه وخارجیه یه دار اولان قسمی آوروپا مطبوعاتجه ده حسن تلقی ایدلمشدر بو بر اثر موفقیت اولسده بر مظفریت دکدر حکومت کوندن کونه شکل اداره سی تنظیم وبلاسنکنا هر کسه حس عدالت وامنیت القا ایده چک طریق اجرائه سلوڅ ایدره امنیت عمومیه لیاقتی کوسترمش اولور. بیاننامه ده بحث اولان فعلیات واجرائت پک آز ومواعید ونظریات پک چوق ایدی. امید وانتظار ایدملم .

ع. نوری

ازهار مطالعه

یکرمنجی عصر ابتداسنده بریتانیا ایمپراطورانی

( امپره الیزمک بحرانی )

( اون یدنجی نسخه دن مابعد )

نمونه سی کی انتخابات منازعاتنده غایت ماهر ومبارز، بریتانیانک شوکت وسطو تنه ده از یاده قانع، ذاتاً تکمیل انکیزلرده بو فکر ایله مشبوع اولدیغندن امپره الیزمک قهرمانی اولمش،

همده قناعت وجدانیه سیله و افکارک بوجهه متبایل اولدیفنی کوروب کندی ده بوجریان افکاره متابعدده مخدور کورمیه رک بونی مدافعه یه باشلامشدر . مستملکاتک محیطی انکاتره نک محیطیله متخالف اولدیفنی ایچون محافظه کاران ایله اتحاد ایتهمش ومع هذا رادیفال قالدیفنی حالده برنجی ناظرلغه ارتقا ایله مشدر . ذاتاً هر مملکتده وطنپرور رادیفالریوقی ؟ بلکه بونلرک زیاده مفرطلر بدر : بونلر عنعنات قدیمه نک دشمن بی امانی اولدقلرندن اسکی دیپلوما-ینک اصلا اعتراف ایتدیکی اشکال تراکئی استخفاف ایدرلر و ( رسمی ضیاقلرک حرارت ساریه سنده ) هیجانلری کسب شدت ایتدیکی زمان بک یمان ومدهش اولورلر . بوخصوصده فرانسه دنیانی سوق واداره ایتامش ، بیوک بریتانیا فرانسلره تقدم ایتمشدر . بونک ایچون موسیو جمبرلانیلک بعض مشهور نطقلرینی در خاطر ایتمک کافیدر . موسیو جمبرلاین بونطقلرینک برنده : روسیه ایله مذاکرانده بونلورکن « شیطان ایله یلک بهین کیمسه بویوک برقاشیق قوللانمالیدر » ضرب مثانی در خاطر ایتمک لازمدر دیمش ، دیگر برنده دخی المانیا و حکومتات متحده امریقایله اتفاق لزومندن بحث ایله مشدی . آنجق بوانفاق فکری بویاکی مملکتک افکار عمومی سی و حکومتلری طرفسندن برادای عظمت فروشانه ایله در عقب ردایدلمشدی .

بواوزاق مستملکده مدت مدیده اقامت ایدهرک اوروپا احواله کلیاییکانه ، حتی انکاتره انسانلریله احواله دائریله بک آز معلوماتی اولان موسیو ( سه دون ) بک زیاده التزام ایتدیکی بو تعدیلانک ام الوطنک حیسانده حصوله کتیره جکی اغتشاشات کلیه بی کورمک ایستیمور و امپریالیزم فکرینک تطبیقنده هیچ برمانه طانیماور . قوفه راننده ارقداشلرینک احتیاطندن براز راحتسر اولدیفندن انکاترمده اجرا ایتدیکی برسیاحت انساننده ایچنی دوکش و بونده انکلیز امپریا لیستلرینک قورقافلغنی آجی برسانله تنقید ایتمشدر . کندیس ایچون براتحاد عسکری ( kricegsverein ) بر مرک اتحادی ( zollverein ) بر مجلس اتحاد اوبونجاقندن بشقه برشی دکلدر . فی الحقیقه یالکزاکا قالسه بدی قوفه رانس هیچ اولمازسه تام براتحاد سیاسی اساسلرینی اولسون وضع ایده بیلیردی . لکن غیرت مفرطه سی افکارینه

ایراث ضرردن خالی اولما مشدر . موسیو ( سه دون ) وطنداشلرینک نقاط نظرینی می  
ایضاح ایدیور ، یوقسه امپریالیزمده برواسطه ترقیمی آرایور دیه شهبه لر اویانمغه  
باشلادی .

موسیو ( سه دون ) ك حرارتی اوسترالیاقانادا وکلاسنك برودتی ده احساس  
قیلمقدن بشقه برشیته یارامامشدر . مختلف مستملکات حکومتلری طرفندن مذاکره یه  
وضع اولنان وقوفه رانسه دائر مادی کتابده نشر ایدیلان موادك فهرستی شایان  
دقتدر . حاوی اولدینی اون یدی ماده دن سکزی یکی زه لاند طرفندن تکلیف  
ایدلمشدر . بونلر آراسنده همان کافه سی فی الحقیقه اصلاحات اساسیه دندر ؛ یدیسی  
اوسترالی طرفندن تکلیف ایدلمشدر . لیکن بونلر ك کافه سی يك متواضعانه شیلردر  
ایکیسی قاب و ناتال طرفندن تکلیف اولنمشدر . قانادانك ایسه هیچ بر تکلیفی  
یوقدر : قانادا وکلاسنك اظهار ابتدکاری یگانه تمی ایمراطورلغك هر طرفنده  
اصول اعشارینك قبولیدر . مستملکاتك الك بیوکی طرفندن کوستریلان بو حال  
دها بدایت امرده قونفرانسدن مأمول ایدیلن نتایجك استحصا ل ایدیله میه جگنی  
کوسترمش ایدی .

موسیو چبرلاین ایشلر ك يك مساعده بخش اولدینی يك اعلا کلامش ایدی .  
نطق افتتاحیسنده دیوردی که : « نظر دفته آلدیغوز مسئله مهمه بزى توحید  
ایدن رابطه لرك تقویه سیدر . بوغایه یه وصول ایچون آنجق اوچ طریق موجوددر :  
برنجیسی مناسبات سیاسیه مز ؛ ایکنجیسی برنوع اتحاد تجاری تأسیسی ؛  
اوچنجیسی ایمراطورلغك مدافعه سی ایجاب ایدن مسائلك تدقیقه باشلایه جقدر .  
اولا مناسبات سیاسیه دن بحث ایدر ، لیکن قطعی بر تکلیفده بولونمقدن احتراز  
ایدرك یالکیز مسائل عمومیه یی بیان ایلر . ایمراطورلق اتحادندن بحث  
ایدركن مشکلاتی کم ایتمز بلکه کندیسنه کوره آمریقا حکومتات متحده سنك  
تشکالندن وقانادا ایالتلرینك اتحادندن بری يك چوق موانع اقتحام ایدلمشدر .  
هر حالده « دها صیق براتحادك تأسی برغایه خیالیدرکه دائما بونی قلبعزه  
صاقلامی ونه شمدي نده ده صکره بونك تحقیقنی مستحیل ایده جك تشبثاته

توسل ایتمای یز. « موسیو چپرلاین عجله لازم اولدیغنی براز ا-ف ایله سویلیه رک تمامیله اختیاری بر اتحاد کده پک چوق احوالده ایشه یارایه جغنی ومثلاً جنوبی آفریقا محاربه-سنده مستملکات طرفندن مادی ومعنوی مظاهرات کورد کیری ذکر واتیان وکنیدلکندن اجرا ایدیلان بو مظاهرتی بر مجبوریت حاله وضع ایتمک مهلك برخطاً اولدیغنی بیان ایله مشدر. چونکه بویله بر مجبوریت یا ایسته میه رک یا خود یالکیز شکلیاتی محافظه ایچون قبول ایدیله جکدر. بنابرین اتحادی تقویه وتشدید ایدیه جک بالجمله تکلیفاتک مستملکاتدن ورودینه انتظار ایتملی ومركز حکومتدن بوقیل تکلیفاندن حذر ایله ملیدر.

« فقط شاید مستملکات بویله بر تکلیفده بولنورسه انکترده ممنویت ایله مظهر قبول اولور. « موسیو (لوریه) نک. «ا کر بزم معاونتیزی ایسترسه کیز مجلس یکنزه بزی چاغریکیز « دیسی موسیو چپرلانیک بر حرکت مؤثره اجرا ایتمسه وسیله ویرمشدر. اوت، دیمشدر، سزک معاونتکیزی ایسترز، چونکه اکا محتاجز: « یورلمش اولان (بذات) مقدرانک ثقلی آلتنده صالالامقده در. « چو جقلمرنک اکا معاونته شتاب ایتمی، بوکبی براز تخفیف ایتمی لازمدر. هرده اولنرک رأینی استحصالدن پک مسعود اوله جقدر.

بویاده مختلف تکلیفلر در میان ایدلمشدی: مستملکاتک پارلمنتوسنک هرایکی شعبه-سنده ویا یالکیز برنده اعضا بولندیر می، بر مجلس اتحاد تشکیلی. موسیو چپرلاین بونلری خاطره کتیره ک صوک تکلیف لهنده بیان مطالبات ایتمشدر. «ا کر تدریجاً حرکت ایتمک اوزو اولنورسه که بو محتملدر. چونکه تشکیلات اساسیه مزی ایجاب ایدن بطائثره جمله مز مألوفز، بو مجلس بدایت امرده منحصرأ بر مجلس اشتشاره اولسون» یاواش یاواش اکا قوه اجرائیه و تشریعیه ویریلور. فقط موسیو چپرلاین پک ایلرو واردیغنی اکلا یوب در حال تبدیل مجرای کلام ایلمش و دیمشدر که: حال حاضرده تخیل ایستدی کمز مجلس اتحاده اک مشابه اولان شی مستملکات ناظرلرینک قوفه ارنساریدر. ویکی زده لاندنک بوقیل قوفه رانسارله منتظم بر موقوتیت ویرلمسی حقنده کی تکلیفه قابشی بیان تشکر ایله مشدر.

بویله جه مسائل سیاسیه اوزرینه کندی عاداتنک براز خلافتیه اوله رق قیود احتیاطیه وضع ایتدکدن صکره مستملکات ناظری ایمراطورلغک امر مدافعه سینه متعلق جهتنده دها عجول کورینیور . مستملکات ایله مرکز حکومتک تکالیفی آراسنده کی فرقه عظیمی شرح و بیان ایتشدرد . مدافعه بحریه و عسکریه هر انگلیزه آدم باشنه ۳۷ فراق بر ویرکونی ایجاب ایتدیکی حاده بر قانادالی بونک ایچون آتجق ۲,۵ فراق ویرر و مستملکاتک الزیاده مکلف اولان بریکی زه لاندالی ۴ فراق اعطا ایلر . مستملکاتک بولندیفی موقع ممتاز و مستثنا حقنده دها زیاده بسط کلام ایده رک جنوبی آمریقانک و یاخود اوروپانک مستقل مملکتلری اهالیسینه نظراً مثلاً اوزانتین ، فله منک ، بالقان حکومتلری سکنه سینه نظراً مستملکات اهالیسینک دها آز مکلف اولدق لرینی و بونلرک مدافعه سی وظیفه سنک کاملاً مرکز حکومت طرفندن تحمل ایدلدیکنی ایضاح ایدر . مستملکات یکی و فقیر اولدق لری زمان بوقیل احوال طبیعی کوریلور سه ده بوکون « حیثیتلریله قابل تألیف » دکدر شو کونلرده تکالیفک مساوی اولسنی ارزو ایتمه مکله برابر بومفرط نسبتلرکی تخفیف ایتک مناسب اولور .

موسیو چبرلاین بوباده ده یکی زه لاندیه تشکر ایدر . چونکه یکی زه لاندیه هر مستملکده ایمراطورلق محافظه سی ایچون براردو تأسیسی و بو اردونک ایجابنده مستملکات خارجنده خدمته مهیا اولسنی ، الیوم اوسترالیاستملکاتی طرفندن اداره ایدیلان دوئمانک تعدیل و تقویه سی تکلیف صورتیه بو وادیده یکی برآدیم آتشدرد .

عینی زاده

۲۵ کانون اول ۳۲۴

حسن تحسین

### شرق مسئله سی

ترکیانک احوال و وقوعاتندن باحث کتب و مقالاتنک همان کافه سنده : شرق مسئله سنک بدایت ظهورندن برو . . . « شرق مسئله سنک یکیدن موضوع بحث